

交那
撰述

仁王護國般若經疏中

仁王護國般若經疏
卷中
我德院藏
為德院藏
當山二世鐵中機謹誌

C40
4514
(246)

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9



交那
撰還

仁王護國般若經疏中

C40

4514

(246)

了翁上座請大藏及有
家書置之武列著雲山
我微安塔院后席中未
為學者不敢許出院內
當山二世鐵牛換謹誌

佛說仁王護國般若波羅密經疏卷中

姚秦三藏法師鳩摩羅什譯

陳隋天台智者大師疏

閩建州後學沙門道霈合

仁王護國般若波羅密經觀空品第二

言觀空者謂無相妙慧照無相之境內外並寂緣
觀俱空故言空觀品也又凡夫不識外道妄取二
乘耽滯今菩薩以般若正智觀空非空超凡越聖
故言觀空也又凡夫着有二乘着空善菩薩捨有而
復觀空也又觀是能觀空是所觀能所俱空真佛

B 64853

C 90-9579
大藏經
東國圖書
唐譯名
觀如來

法苑珠林
卷一百一十五
觀空經疏卷中

知見故下文云見境見智非聖見也

此下六品各爲正說大分爲四前之三品明內
護護國一品明外護散華品明報恩供養受持
品明弘經相貌祔文更二初畧開二護次問答
廣釋今初

爾時佛告大衆知十六大國王意欲問護國土因緣
吾今先爲諸菩薩說護佛果因緣護十地行因緣諦
聽諦聽善思念之如法脩行時波斯匿王言善大事
因緣故卽散百億種色華變成百億寶帳蓋諸大衆
文四一知請意二畧正開三勸發三慧四歡喜供

養今初爾時佛告大衆者教所被機也十六大國
王意欲問護國土因緣者生下外護經文與護國
品爲本也吾今先爲下二正畧開二護謂因果也
護佛果因緣卽生此品也護十地行因緣卽生教
化品十地行者謂護因也問王但請護國土因緣
佛何故先爲說護佛因果耶答人情龕淺妙理難
知王雖龕情唯請一而佛龕妙俱施又若但爲說
護國國土安樂增長憍慢今佛說出世因果令其
厭俗樂入真也又索少是弟子之禮賜多是爲師
之法又索少表不貪施多表不慳又索少施多表

慈導之志云云諦聽諦聽下三勸發三慧諦聽令生
 聞慧善思念之令生思慧如法脩行令生脩慧云云
 時波斯匿王下四歡喜供養王言善者信順之辭
 也大事因緣為茲出世顯令衆生開示悟入佛之
 知見法華以佛知見為大事涅槃以佛性為大事
 維摩思益以不思議為大事華嚴以法界為大事
 今此般若以成佛因果為大事名字雖別其義一
 也故智論佛說般若無央數衆生當續佛種是為
 大事又大品云須菩提白佛言世尊般若若為大事
 故起龍樹釋云能破衆生諸大煩惱能與諸佛無

上大法名為大事散華表行因成帳表得果益衆
 表慈悲度物蔭育群生云云

第二問答廣釋文二先問次答今初

爾時大王復起作禮白佛言世尊一切菩薩云何護
 佛果云何護十地行因緣

先脩敬二正發問問中有二一問護果二問護因

次答文大為三一明自利行即此品二明利他

行教化品三明二護所依二諦乾答初問文二

初正釋觀空二時衆得益初文二初正釋後總

結釋中二初標宗正釋後問答重釋初文二一

正釋二結行初又二一所化境二能化智今初
佛言善薩化四生

天及地獄是化生鬼有胎化二生畜生則鳥及龍
是四生人中亦四爾時人胎生毘舍佉子從三十
二卵生大山小山比丘從鶴卵生菴羅波離婬女
從濕生劫初人皆化生也云云

二明能化之智文三初約法二解釋三結成今
初

不觀色如受想行識如衆生我人常樂我淨如知見
壽者如菩薩如六度四攝一切行如二諦如

約五法一五陰二衆生三佛果四菩薩五真妄五
陰是所依衆生是能依佛是果善薩是因五陰衆
生是妄佛善薩是真也今初五陰是有如是空若
見色見如不免斷常如則是斷色則是常若觀色
滅方如此三藏見若體色卽如此通見若如卽色
此別見若知一切法性真實空無生滅同真際非
法性無二無別此圓見今言不觀色如等是圓見
也衆生我人如者五陰衆共生各衆生我者計內
五陰爲假名人也常樂我淨如者前五陰衆生是
顛倒法非常樂我淨今佛果得非顛倒法是常樂

撰述
石室遺編卷之八
我淨隨盡煩惱有殊而性常無異其猶水水故云
如也知見壽者下明菩薩有三位二人三行位
者十信名知十解十行名見向至地名壽者雖有
三別而一如也菩薩如者二明人如六度下三明
行如問淨名云一切衆生皆如也一切法亦如也
衆聖賢亦如也至於彌勒亦如也與今何異答彼
是真空此是妙有問真空妙有云何答動卽寂真
空也寂卽動妙有也真空故非常妙有故非斷真
空不住生滅妙有不住涅槃妙有故能起大悲真
空故能生大慈問淨名云一切皆如此云不觀色

如何耶答若偏觀一切皆如還是斷若不觀如還
是常淨名云如令離常見此云不觀令離斷見二
見既離中道自明矣云云二諦如者明真妄也世諦
是妄出世是真也

二解釋

是故一切法性真實空不來不去無生無滅同真際
法性無二無別如虛空

文三一釋二會通三舉况今初一切法性是真有
真實空是真空真空故不來真有故不去不去則
無滅不來則無生無滅無生孰凡孰聖既無聖凡

撰述
石山論類考卷中
誰論觀與不觀也同真際下二會通真際還是真
空法性還是妙有一色一香悉皆如是故云同寺
也如虛空者三舉况空中豈有五陰衆生菩薩諸
佛世諦真諦生滅去來者乎恐昧者不解故舉斯

况

云云

三結成

是故陰入界無我無所有相

無我是結陰入界衆生寺如無所有相是結佛菩
薩及知見壽者寺如也

第二結行

是爲菩薩行化十地般若波羅密

金剛云一切賢聖皆以無爲法而有差別卽同此

文也

云云

二問答重釋文二初明三般若教二明依教發
觀今初三般若卽爲三別初明實相般若又二
先問後答今初

白佛言若諸法爾者菩薩護化衆生爲化衆生耶

上云不觀色如今問意者若云是爲菩薩行化十
地令諸法皆空者菩薩爲化何寺衆生耶

二答文二一明真則無化二明俗則有化今初

撰述一
行三讀圖考經卷四
六
大王法性色受想行識常樂我淨不任色不任非色
不任非非色乃至受想行識亦不任非非任何以故
非色如非非色如

文四一境二觀三徵四釋今初五陰是地前菩薩
境常樂我淨是地上菩薩境云云不任色下二明觀
有人言不任色者遮任色不任非色遮任空不任
非非色雙遮任空任有又不任色遮任色陰不任
非色遮任四陰不任非非色雙遮任五陰又不任
色遮任色法不任非色遮任心法不任非非色遮
任非色非心法又不任色不任有不任非色不任

空不任非非色不任空空故淨名云空病亦空今
解者具足應云不任色不任非色不任亦色亦非
色不任非色非非色此中畧第二句及四句非色
兩字也以色卽空故不任色以空卽色故不任非
色以色空無二而二故不任亦色亦非色以色空
二而無二故不任非色非非色次例四陰非非任
上言不任今言非不任只以不任爲任任無所任
金剛亦云應無所任而生其心也何以故者三徵
意云何故言任又言不任也非色如下四釋非色
如故不可定言任色非非色如故不可定言任非

撰述
色也

二明俗則有化

世諦故三假故名見衆生一切法性實故乃至諸佛
三乘七賢八聖亦名見六十二見亦名見大王若以
名名見一切法乃至諸佛三乘四生者非非見一切
法也

文四初明二緣故見有衆生可化二結成上無衆
生義三明邪正二見俱是見四結成正見今初言
世諦者諦有三種一色諦二心諦三空諦也三假
者謂法假受假名假也此中三假非成實中所明

以無三藏故也各見衆生者以世諦及三假故有
衆生可化也一切法性實故者二結成上真諦無
衆生義一切衆生卽涅槃相不復更滅故云實也
乃至諸佛下三明邪正二見俱是見三乘聲聞緣
覺菩薩也七賢謂七方便也八聖謂四果四向也
六十二見釋者不同且依大論於五陰上皆作四
句於色陰云過去色神及世間常是事實餘妄語
無常寺三句亦然餘陰亦如是成二十現在有邊
無邊寺歷五陰上有二十處後如去不如去寺亦
有二十成六十是神與身一神與身異成六十二

見云云大王若以名名見下四結成正見若知諸法
但有假名名之為見非同世人見一切法也云云

第二明觀照般若文二先問後答今初

白佛言般若波羅密有法非非法摩訶衍云何照

問意云有法既非是大乘云何照此從上非非見

一切法文而生此難也

後答文二先畧後廣今初

大王摩訶衍見非非法

答意云大乘見者見法非法以色等法空故也

二廣答文二初正廣釋二明能觀之智雙照空

有初文二先明法空性空次歷法明空今初

法若非非法是名非非法空法性空

法若非非法是名法空也法性空者性本若不空

不可令其得空以性本自空故諸法皆空也

二歷法明空文二先正明後釋成空義今初

色受想行識空十二入十八界空六大法空四諦十

二緣空

約六門明空大論云五陰空是果報空十二入空

是受用空十八界空是性別空以所病不同說斯

三種為疑心數者說於五陰為疑色者說十二入

撰述
爲疑色心等者說十八界六大名遍到空阿含云
六王諍大地云我能載水云能漂濁火云能燒照
風云能生動空云能容受識云若無我者色則敗
壞五雖大而識爲主故云四大圍空識居其中也
四諦是境空因緣是義空云云

二釋成空義文二初就識陰次例四陰及諸法
今初

是法卽生卽住卽滅卽有卽空剎那剎那亦如是法
生法住法滅何以故九十剎那爲一念一念中一剎
那經九百生滅

文四一標宗二類釋三徵詰四釋通今初以色法
中有五義故空卽生卽住卽滅者諸小乘師或云
生前住次滅後或云生住同時皆不免難何者若
云生前住次滅後則生時無住以生前故若無住
者云何有生以先無住住於此生生不得住則無
生也若住前無生則亦無住以無因故若生在有
住則生住同時若生滅已方有住者住非生有此
計異之過也若生住同時則因果一體生歎同相
此計一之失今云卽生卽住卽滅者不同二說以
諸法體念念遷流無有暫止亦是生時卽住時滅

時如疾炎過鋒奔緣經亦不已則來無暫住時故
淨名云汝今卽時亦生亦老亦滅也卽有卽空者
色性自空非色壞故空也剎那剎那下二顯釋明
念念皆空同上五也剎那者極短時也何以故者
三微詰意云生滅相違云何言卽生卽住卽滅等
云云九十剎那下四釋通以九十小剎那爲一大念
一念中一剎那復有九百生滅是故生時卽有住
滅也又九十剎那爲一念一念中一剎那經九百
生滅一念有九十剎那合有八萬一千生滅以生
滅攝剎那剎那攝一念如是心法不可得此明心

空以四大分諸根諸根不可得以四微分四大四
大不可得以麤微分四微四微不可得以極微分
麤微麤微不可得推色至於極微窮心盡於生滅
色盡心窮豁然無住無任之任不可名之強是爲
空卽護三藏佛果也若見色色空見心心空無得
無住此護通佛果也若見色心二法而一而異廣
大如法界究竟若虛空函蓋相稱此護別佛果也
若見色心二法本來空寂不動不住不生不滅此
護圓佛果也

云云

第二例釋四陰及諸法

乃至色一切法亦如是

謂顛釋四陰及諸法亦卽生卽滅卽有卽空也

第二明能觀之智雙照空有文二先明觀照次
明得失初更二一照空二照有初則無相後是
有相無相者非但無所照亦無能照照無所照
也小品經中名爲真實般若若有相則接別凡聖
無量教門小品經中名相似般若也照空文中
更爲二別

初明照相以般若智中無毫釐實法故照一切
法空二明空之分齊今初

以般若波羅密空故不見緣不見諦乃至一切法空

不見緣者十二因緣空不見諦者四諦法空乃至

一切法空者六大法空也云云言不見者觀諸法

空故言不見非謂不照名爲不見故經云非見及

見名一切真實法也云云

二明空之分齊

內空外空內外空有爲空無爲空無始空性空第一

義空般若波羅密空因空佛果空空空故空

分齊有十二種大論有十八空論問云若少則應

一空若多則應無量何乃十八龍樹答云若畧則

記云非見及見文缺一所字以皆二相故是爲真實般若卽地在所証

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述 石玉謫圖解卷中

事不周廣則事繁難悟如服藥少則病不差多則更增疾今說空亦如是少說則不能破邪見多說則近滋廣此經隨時治病不多不少唯十二也內空者謂內六入無神我外空者外六塵無我所內外空者根塵合觀無我我所有為空者色心和合生陰界入等皆無所有無為空者虛空數滅非數滅空也無始空者外道以冥初為始破此見故名無始空性空者諸法本無惑者計有乃至執言如來性等決定是有為破此見故言性空故經云眼空無我無我所何以故性自爾故乃至意亦如是

又華嚴云觀眼無生無自性識空寂滅無所有也第一義空者本空世諦世諦不有此亦是空般若波羅密空者大經云大空者是般若空大論云十方俱空名大空也因空者六度等空果空者菩提涅槃空空者大論云以諸空破內外等法復以此空破諸空是名空空又以空破有有者云空若執空為是須以此空空破也

二照有

但法集故有受集故有名集故有因集故有果集故有十行故有佛果故有乃至六道一切有

五那 三度同受空至空

文三初三假門明有如上說因集故有下二四諦門明有因集是生歿因卽集諦果集是生歿果卽苦諦十行卽道諦從十信心乃至十地各有十種行門也佛果是涅槃卽滅諦也乃至六道一切有者三約六道二十五有寺明有云

第二明得失文二初明邪觀

是失也

二明正觀

是得也

也今初

善男子若菩薩見法衆生我人知見者斯人行世間不異於世間

若菩薩發心行學般若見有法有衆生我人知見

者世間凡夫無異也

二明正觀二一明行二明位今初

於諸法而不動不到不滅無相無無相一切法亦如也諸佛法僧亦如也

言不動者卽色是空非析色也不到者大品云平等之法一切聖人所不能到須菩提白佛言乃可餘聖不到佛何故不到佛言乃至佛亦不到何以故佛卽平等平等卽佛佛與平等無二故不到也不滅者空卽是色也無相者色空空色皆無相也無無相者無相亦無也下例諸法

云云

二明位

是卽初地一念心具足八萬四千般若波羅密卽載
名摩訶衍卽滅爲金剛亦名定亦名一切行如光讚
般若波羅密中說

文二初明正觀後示說處初文三一位二名三用
今初也言一念者謂從第十回向以般若慧一念
之中卽有初地是時具足八萬四千度也依賢劫
經始從光耀度終至分布舍利度合有三百五十
功德門一一各脩六度卽二千一百復將二千一
百對十法謂四大六衰又對十善一一皆有二千

一百卽二萬一千又將二萬一千對四衆生多貪
多嗔多癡三毒非分各有二萬一千合之卽有八

萬四千也

云云

卽載名下二就名明正觀有本云卽

能運名摩訶衍載運義同也約體則是般若約用
卽是大乘卽滅爲金剛下三約用能滅煩惱如金
剛破物謂第十地末後一念也能離散亂故名定
此中一行具無量門也如光讚下二示說處也

第三讚文字般若文五一明多佛共說二舉喻
三格量四舉况五明信解相今初

大王是經名味句百佛千佛百千萬佛說名味句

俱舍

仁壽國師著經疏卷中

十四

法華

三三度百卷經疏卷中

十四

論云一字曰字二字曰名二字不合不得爲名若
合說者始得爲名四字等名句句下所詮名味

二舉喻

於恒河沙三千大千國土中成無量七寶施三千大
千國土中衆生皆得七賢四果

百億須彌百億日月鐵圍大海等是一大千界如
河中沙一沙是一世界滿中七寶以施衆生及得
四果也此中有財法二施意但文似隱也

云

三格量

不如於此經中起一念信

無漏之心起一念信勝前二施

四舉况

何況解一句者

信但不謗解能利他則信淺解深此約鈍根說若
如法華云汝舍利弗尚於此經以信得入者此乃
卽信是解約利根說也

五明信解相

句非句非非句故般若非句句非般若般若亦非善
薩何以故十地三十生空故始生住生終生不可得
地地中三生空故亦非薩婆若非摩訶衍空故

文三一明文空二明文義俱空三明人法俱空今
初也句是有非句是無非非句是非有非無非有
非前有句非無非前無句又句卽文字也非句卽
文字之性離也非非句非前文字及性離之見也
云般若非句句非般若者二明文義俱空般若非
句是義空句非般若者是文空以卽文非般若卽般
若非文離文無般若離般若無文文中無般若般
若中無文如是互求不可得故卽自空也又文及
般若自他共離求不可得故空也般若亦非菩薩
下三明人法俱空文中亦合明人空但文畧故也

自爲二別一約因位辦法空二約果位辦法空初
文三今初標也般若是法菩薩是人般若中求善
薩不可得卽是法空何以故者二徵也十地下三
釋若約通教卽三乘共行十地說始住終若約別
教卽善薩十地明始住終也亦非薩婆若下第二
約果辦法空梵云薩婆若此翻一切種智一切種
智卽佛果也佛果亦空故云亦非薩婆若也摩訶
衍是乘能乘人旣空所乘之法亦空也云初明三
般若教竟

第二依教發觀文二初明邪觀二正觀今初

大王若菩薩見境界見智見說見受者非聖見也倒想見法凡夫人也

見境者見實相般若也見智者見觀照般若也見說見受見文字般若也如是執見是凡夫顛倒妄想非聖見也又見境謂見塵見智謂見識見說見受謂見人妄執宛然非聖見也

第二明正觀文二初約染淨因果以明空相二約無聽說以辨空相初文二初明生處空後辨佛果空前更二初正明生處空後釋空所由今初

見三界者眾生果報之名也六識起無量欲無窮名爲欲界藏空或色所起業果名爲色界藏空或心所起業果名爲無色界藏空三界空三界根本無明藏亦空三地九生滅前三界中餘無明習果報空

文二一明正使空二明習氣空初文二一明分段生處後明變易生處初更三今初明果空也三界是器世間衆生是假名世間果報是五陰世間謂三界依正也六識起下二明業空以六識取六塵起諸煩惱貪着五欲展轉無量蘊集合藏名之爲藏無自性故名之爲空云云三界空下三明煩惱空

三界之本一念痴心闇於前境名曰無明有此無明卽生三界無明如地能生萬物故名本也三地九生下二明變易生處空有人言三地者一見地從十回向至三地二脩地從四地至七地三究竟地從八地至十地此別接通意也九生滅者前三地中各有始住終云九生滅也又變易生處三界中各有三種意生身三界各三地各有三種意生身生滅名九生滅也從初地至五地名三昧樂意生身六七二地名覺法自性意生身八地已上名無作行意生身此通別教意生也餘無明習者上

明五住正使此第二明習氣空也

二釋空所由

金剛菩薩藏得理盡三昧故惑果生滅空有果空因空故空

由此菩薩得理盡三昧故一種生處煩惱業等皆空所言惑者謂迷妄之心造生處業不達心源名之爲惑卽是煩惱果者卽正報果有生滅故得名空有果空者卽三界依報空故又果空者謂變易生處空因空者謂三界業煩惱等空也理盡三昧者謂菩薩得此三昧達理盡源極無明本故名理

盡三昧也云云

二明佛果空

薩婆若亦空滅果空或前已空故佛得三無為果智緣滅非智緣滅虛空薩婆若果空也

文三今初明智斷空薩婆若亦空者是智空滅果空者是斷空或前已空者是正因佛性空佛性本自空非推之使空故言或前已空也佛得三無為下二明無為空智緣滅者觀心佛正觀心滅於煩惱名智緣滅非智緣滅者謂正因佛性性本自淨無煩惱垢不勞觀行而滅惑也虛空者無色現處

是也薩婆若下三結果空也云云

第二約無聽說以明空相

善男子若有脩習聽說無聽無說如虛空法同法性聽同說同一切法皆如也

文中法喻合可見聽說如虛空者小品云聽如幻人聽說如幻人說故無聽說淨名云夫法說者無說無示其聽法者無聞無得法同法性者淨名云法同法性入諸法故以此例諸故皆如也

第二總結

大王菩薩脩護佛果為若此護般若波羅密者為護

菩薩若十力十八不共法五眼五分法身四無量心一切功德果爲若此

先結能護體也護般若下二結能護用

云云

第二明時衆得益

佛說法時無量人衆皆得法眼淨性地信地有百千人皆得大空菩薩大行

文二先時次益法眼淨者謂初地已上見中法非小乘中法眼也性地者謂三乘共行十地畧九舉一也信地者卽四不壞信十信菩薩是也大空大行卽別教初地圓教初任已上皆名大空大行也

云問佛說般若何故得益不同答法華經云一地所生一雨所潤根莖大小差別自殊如其種性各得生長今說般若亦復如是雖說一法得益自差也

仁王護國般若波羅密經善薩教化品第三

初三品明內護中今當第二釋護十地行卽是明利他答第二問也言教化品者善薩以利物爲德教諸衆生離一切惡化諸衆生脩一切善又佛將此法教化衆生得成菩薩故云教化品又以此法化諸國王令識般若故也

云云

品文二一發問二佛答今初

白佛言世尊護十地行菩薩云何行可行云何行化衆生以何相衆生可化

文有二意一揅前品中護十地行菩薩卽能護人也次云何行可行非者正是問辭一問菩薩自利行法二問利他行三問所化衆生之相云云又初問自利依何脩行故以五忍答之次問利他依何位行故以十地行答之後問何相衆生可化故以幻身見幻化衆生而教化之又此經說通自他而就他說爲正故文多利他行故譯者亦以教化標目

二佛答文二初答前二問次答第三問前文三

初正答二問次月光再讚後如來述成初文更

二一正答前問兼利他二正答後問兼自利前

文更三初畧答二廣答後總結今初

佛言大王五忍是菩薩法伏忍上中下信忍上中下順忍上中下無生忍上中下寂滅忍上下名爲諸佛菩薩脩般若波羅密

復爲三初標數二列名三總結今初也準下結諸佛菩薩本所脩行今魔問而答故但云是菩薩法耳二伏忍下列名也地前三賢未得無漏未能證

但能伏不能斷故為伏忍智也以有智故能伏煩惱地二地三地得無漏信名信忍四五六地趣向無生名順忍七八九地諸念不生名無生忍十一二地得菩薩果名寂滅忍以初地得無漏信此別教意也七地得無生忍即別接通意也然此五忍諸經不同若依本業纏絡云六性一習種性二性種性三道種性四聖種性五菩薩覺性六妙覺性即是十住十行十回向十地菩薩覺妙覺也亦名四十二賢聖云云名為諸佛下三總結也

第二廣釋五忍即為五別初伏忍中三賢不同

即為三別先釋十住

相上志

善男子初發相信恒河沙衆生脩行伏忍於三寶中生習種性十心心精進心念心慧心定心施心戒心護心願心迴向心是為菩薩能少分化衆生已超過二乘一切善地一切諸佛菩薩長養十心為聖胎也

文五一明方便二明入位三顯力用四釋超過五成聖因今初言發想信者十信之中未入十住不見道理但能想想信若成即入十住言恒沙者發心者多也如大經云如菴羅樹花多果少如大

有本云復次善男子今且依次第解也文四一明
位二辨體三明化他四釋離患今初明位卽三忍
中第二忍也前下伏忍卽是聞慧今中伏忍卽是
思慧言乾慧者無定水也故云是思慧耳經千字
者非纓絡中有六性亦名六慧言六性者卽習種
性種道種種聖種等覺妙覺等也言六慧者謂聞思
脩無相照寂寂照等也習已成性各種性有十心
者總標其數也所謂四意止下二辨體文三今初
明四念處意止者謂以智慧令心止任意卽心王
也身受心法者明所觀之境也若無常等明能觀

此云十
字之非
經既已
正始無
用耳

之體也觀身不淨能除淨倒觀受是若能除樂倒
觀心無常能滅常倒觀法無我能除我倒也三意
止下二明三善根以慈故無瞋施故無貪慧故無
痴也三意止下三明三世忍心緣過去無明及行
名因忍現在五果及現在三因名因果忍未來兩
果名爲果忍又於一切法皆有此三如種子但因
如苽瓠亦因亦果能作果等是因結實成種是果
種等但果非因此約一時三世論也是菩薩亦能
下三明化他也能過下四明離患文中先明離
內患卽我人知見等也及外道下次明離外患也

第三明十回向

復有十道種性地所謂觀色識想受行得戒忍知見
忍定忍慧忍解脫忍觀三界因果空忍無願忍無相
忍觀二諦虛實一切法無常名無常忍一切法空得
無生忍是菩薩十堅心作轉輪王亦能化四天下生
一切衆生善根

有本云復次善男子脩行上伏忍進入平苴道名
爲道種性地文有四今初標位也謂欲入初地能
與聖道爲因性故名道種性所謂觀色下二出體
文三初明五忍中初列五陰是所觀法得戒下是

能觀智由觀色陰便得戒忍以作無作戒皆色陰
也準此經文作無作戒皆是色攝觀識陰故得知
見忍以了別識與知見文類相似也觀想陰得定
忍以從倒想能入於定如無色界天由想故成觀
受陰得慧忍以依受故立四禪天由於禪故能發
智慧觀行陰得解脫忍以行無常故得解脫忍問
何故色下而說識答四陰皆心爲主由識分別於
色由色故識方能行相生義便如此說云觀三界
下二明三忍以觀三界苦果空故得空忍觀三界
因空故得無願忍以煩惱業爲集諦故也觀三界

撰述
仁王經卷中
二七
因果空故得無相忍證因果空成無相觀也二諦
虛實下三明二忍以觀俗諦是有爲法得無常忍
觀真諦是無爲法故得無生忍無常忍卽小乘藏
教無生忍卽大乘通教也出體竟是菩薩十堅心
下三明攝化以道種性菩薩作金輪王化四天下
也又十堅心者卽結上五三二忍成十堅也生一
切衆生善根者四明勝用也伏忍三品竟云云

第二明信忍

又信忍菩薩所謂善達明中行者斷三界色煩惱縛
能化百佛千佛萬佛國中現百身千身萬身神通無
量功德常以十五心爲首四攝法四無量心四弘願
三解脫門是菩薩從善地至於薩婆若以此十五心
爲一切行根本種子

文四今初標名配位言信忍者以無漏信三寶并
故名信言善達明中行者配位如下經說善覺初
地菩薩證人法二空故名善覺也達卽離達謂二
地菩薩離破戒垢達真俗理故名離達明卽明慧
謂三地菩薩智慧光明照諸法故故名明慧五陰
假人於中脩行名中行者下經云道行人此道成
人名行人斷三界下二明離障以色煩惱籠故於

撰述
三
二

此三地而斷云云能化百佛下三明攝化三非差別
配對三地可解問信有幾種答畧有三種一信
輕毛菩薩十信是二久信三賢菩薩是三証信初
二三地是也云云常以十五心下四明發行種子四
攝者布施愛語利益同事四無量者慈悲喜捨四
弘誓願者瓔珞經云願一切衆生度苦斷集證滅
脩道名四願也乃至成佛從於初地用此十五心
為根本云云

第三明順忍

又順忍菩薩所謂見勝現法能斷三界心非煩惱縛

乃至二
句文倒
當云從
於初地
乃至成
佛云

故現一身於十方佛國中無量不可說神通化衆生
文三今初標名位順無生忍觀而未正得故名順
忍見勝現法者卽是位也見謂順忍下品見理道
品分明卽第四炎地勝卽中品第五難勝地難勝
有二義一教化衆生二不從煩惱於二事得勝名
難勝地現法卽第六現前地因緣觀解現前故也
能斷三界心非煩惱縛者二明除障前斷色煩惱
此斷心煩惱又前斷見惑此斷思惑故言心也故
現一身下三明攝化前信忍明化身故云現百身
千身萬身今順忍明實身故云現一身於十方佛

支那
三
二

土化衆生也問云何一身現於多土土吞不思議力神通變化令衆見也

第四明無生忍

又無生忍菩薩所謂遠不動觀慧亦斷三界心色等習煩惱故現不可說不可說功德神通

文三今初標各位謂以自他共無因求色心二法不可得於此得智名無生忍所謂遠不動觀慧者此配位也遠卽第七遠行地能至有功用心後邊故不動卽第八不動地有相煩惱不能動故觀慧卽第九善慧地四無碍解化衆生故亦能斷三界

心色等煩惱習者二明除障前各斷二重今雙斷

正習也故現不可說下三明攝化分齊云云

第五辨寂滅忍文四初標各位二辨除障三約

諦辨異四攝化分齊今初

復次寂滅忍佛與菩薩同用此忍入金剛三昧下忍中行名爲菩薩上忍中行名爲薩婆若

文三一標名者前之四忍未盡法源今之一忍寂

諸心色滅於想習名寂滅忍云云佛與菩薩下二明

證用金剛是喻三昧是定有以煩惱如金剛以其堅斷不可卽斷非佛智力無能斷者如經中龜甲

羊角所能破者。是此義也。有以智慧如金剛能破煩惱。不爲彼損。亦大經中言金剛寶瓶無嘶破聲。是其義也。今佛與十地菩薩同用寂滅。忍入金剛三昧也。云云下忍中行下三配位。下忍卽法雲上忍卽佛也。薩婆若此云一切智。又無碍道。因位攝故名下忍。解脫道。果攝故名上忍。又法雲與佛同入金剛三昧。前心名菩薩。後心名佛。無有中間。故但上下前之四忍俱是。因位故。有三品。問諸經有。覺何故。此中不立。若依餘經。卽合有三品。下品十地。中品。覺上品。妙覺。今般若附通。不同別教。

故但論法雲卽及佛地。故大品云十地菩薩當知如佛如者。未是義大經亦云十地菩薩見性未了。此皆通教意也。云云

第二辨除障

共觀第一義諦。斷三界心習。無明盡相。爲金剛盡相。無相爲薩婆若。

文三。初明所觀之境。同觀真諦。而明昧不同。如大經云。如十地菩薩。聞見佛性。諸佛如來。眼見佛性。又十地菩薩。各有上士。佛名無上士。又菩薩如十夜月佛。如十五夜月。寺。云云斷三界心習者。二正

撰述
三十一
辨除障前無生忍中雙斷心色麤習今此忍中永
斷心法細習也無明盡相下三明二道差別之相
無明盡相爲金剛者此無碍道也言盡相者未盡
之義如烟是火相而未是火金剛喻定是盡無明
之相而無明未盡問若無明未盡應是煩惱何故
前文佛與菩薩同入此定答無明之性卽是於明
如燈生時卽同滅時只以一念無明心變爲明微
明卽菩薩大明卽佛也盡相無相爲薩婆若者此
解脫道前金剛下定但盡色心麤細之相不得各
一切智今佛地非但盡相亦盡無相故得名一切
智可謂緣觀雙冥境智俱寂也

第三約諦辨異

超度世諦第一義諦之外爲第十一地薩云若覺非
有非無湛然清淨常住不變同實際非法性
三賢多住世諦十地多住真諦真諦卽無世諦卽
有超世諦故非有超真諦故非無非有非無卽薩
云若問薩婆若薩云若有何差別答有二說一云
同二云異同者彼此無殊異者薩婆若是一切智
薩云若一切種智今謂說五忍文寂滅忍中旣唯
分二品不應更有薩婆若薩云若之別復說卽有

密明寺覺之義卽於寂滅忍中有上中下下卽十地中一切智上一切種智若依經超度二諦外爲

第十一地薩云若者卽依前釋云

第四明攝化分齊文二初畧二廣今初

無緣大悲教化一切衆生乘薩婆若乘來化三界

一切衆生在於三界佛以大悲而濟拔之法華云

諸子游戲來入此宅長行卽云長者驚入火宅淨

名云菩薩病者從大悲起皆此意也大悲是能化

心衆生是所化境薩婆若是能化體大悲有三一

衆生緣悲外道亦有二法緣悲二乘亦有二無緣

悲唯佛獨有

第二依宗廣釋

善男子一切衆生煩惱不出三界藏一切衆生果報

二十二根不出三界諸佛應化法身亦不出三界三

界外無衆生佛何所化是故我言三界外別有一衆

生界藏者外道大有經中說非七佛之所說大王我

常說一切衆生斷三界煩惱果報盡者名爲佛自性

清淨名覺薩云若性

文三初約正理三界者欲色無色等三也藏者能

含六道四生也果者分段報果也報者苦樂等報

也二十二根者眼等六根善樂憂喜捨五成十一
根男女命三信進念定慧等五成十九根未知根
欲知根知已根成二十二根二十一根不出分段
三界知已根不出變易三界諸佛三身亦不出三
界者以法身即應化也大經云今我此身即是法
身法華云常在靈鷲山及餘諸住處普賢觀云釋
迦牟尼名毘盧遮那遍一切處華嚴云亦名釋迦
亦名舍那等既知三身即一身亦須知界外即界
內也三界外無衆生下二明聽說說云界外有衆
生可化者此外道說非佛說也問界外實無衆生

耶答聖教不同有無異說此經則云界外無衆生
餘經則有法華云餘國作佛三百由旬外權置化
城淨名云上方界分度如四十二恒佛土有佛名
香積若界外無人豈容三界內上方更有爾許佛
土耶故知亦有問此經云無餘經云有如何會通
答此經云無無分段衆生餘經云有有變易衆生
故大論云聲聞生界外白銀世界無煩惱名只約
無煩惱即云無衆生而聲聞無明未斷豈實無耶
此文正是通教意偏論界內煩惱衆生也衛世師
外道說有六諦大有經是其一諦彼經說云此三

界外別有世界若言三界外別有衆生同彼外道
說也實理而論若言界外有衆生卽同外道若言
無卽同二乘諸佛菩薩見者卽不有不無不有不
無卽非如非異非如非異卽不如三界見於三界
如斯等事法華中佛方顯了說也大王我常下第
三引昔證今我昔常說斷三界煩惱果報盡名爲
佛豈於三界外別有衆生耶自性清淨名薩云若
性者卽正因佛性一切衆生佛及菩薩同共有此
豈於三界外而更別有衆生可化也

第三總結

衆生本業是諸佛菩薩本所脩行五忍中十四忍具
足

文二初總結五忍衆生本業卽煩惱諸佛菩薩未
成道時亦有煩惱由煩惱故脩諸功德智慧今得
成佛佛本煩惱與今衆生無異故名爲本五忍中
十四忍具足者二結廣畧畧卽五忍廣卽十四謂
三賢是三十地及佛地成十四也上來答前問兼
利他竟

神寶記云疏以五忍與六種性合釋及所斷惑相
交美交加頗不易明應先出異相而後得以會之
所以異相者據常所釋別教初地證道同圓已破
無明卽能分身百界作佛而此經所出十地乃分

爲四謂前三後一以對十地則前二猶是信順二
心垂迹其異一也又所斷惑信順二心止斷三界色
心重煩惱此與常途有異二也於此須知教證
二途約證道論固當如何同固是也今取教道爲
義不妨十地殊品故所破惑義有進否是應義立
無生恐位分土中下如破惑義也以其根有別鈍
利者于初三品卽破無明其次中三始破又其次
者後三方破既許初破不妨證與圓同其次未斷
猶於信順亦影畧互顯爾至于後三斷位方定猶
下根受接其位定故是也而所破惑斷位方定猶
細之異於其利者卽是無明鈍卽見思復何回必
况復悉覆破物初無定法說有殊途母以各相爲
惑有志學者所宜盡心如三教釋五恐但於常途
經附通故大師以通別讀若不勝艱澁今記王會
釋之文義周足可謂有益於學者故並錄于此

第二卷後問兼自利文二先問後答今初

白佛言云何菩薩本業清淨化衆生

據前問是故更重申十地是菩薩本業菩薩於生
處善提無染各本業清淨以淨法教化衆生不同
凡夫二乘雜煩惱法化衆生也問雜煩惱化衆生
有何失答自既有縛豈能化他凡夫則師旣墮弟
亦隨墮二乘則謗佛敗法於諸衆生而起怨心豈
成利益耶

二卷文二先畧後廣今初

佛言從一地乃至後一地自所行處及佛行處一切
知見故

文三初明淨業所依謂從歡喜乃至法雲間何故
但說十地答地前三賢賢而非聖不名本業清淨
妙覺一地妙果已圓故於因中舉十地答自所行
下簡二行一自行處卽十地境二佛行處謂妙覺
地境前十地但行自所行處後金剛心通行二處
故下文云得理盡三昧同佛行處又纓絡云佛子
菩薩爾時住大寂門乃至過十地外與佛同坐也
一切知見故者三釋成清淨以佛五眼方能見一
切法以佛三智方能知一切法也

第二廣答文三初標次釋後結今初

本業者

可解

二釋十地今初善覺地

若菩薩住百佛國中作闍浮四天王脩百法門二諦
平等心化一切衆生

文五今初明土寬狹言住百佛國者國土有三一
說法土百億日月化小乘二神通土億億日月化
中乘三智慧土無量世界化菩薩今言百佛國土
者說法土也作闍浮提四天王者二配位於四王
中作南方增長天王以闍浮提勝於餘方有佛出

三善國經卷中
三劫
此處故又次第作四天王依十地經初地菩薩作
闍浮鐵輪王不言四天王纓絡云脩行一劫二劫
三劫十信善者有三品上品善鐵輪王化一天下
中品善粟散王下品善人中王十住銅輪王十行
銀輪王十向金輪王初地已上琉璃輪王十地經
初地作鐵輪王此別教意也纓絡及此經十善作
鐵輪王圓教意也脩百法門者三顯法門也卽自
利行於十善中一一更明十善故言百法門二諦
平善心者四釋地中別行也卽俗卽真故言平善
化一切衆生者五釋地中通行也地地皆用化生

爲行已下九地文句顯此可解

二釋離達地

若菩薩住千佛國中作初利天王脩千法門十善道
化一切衆生

初利天此云三十三天也地經云二地作金光王
纓絡與此經同千法門者於前十善中一一各行
百善也

云云

三釋發光地

若菩薩住十萬佛國中作焔天王脩十萬法門四禪
定化一切衆生

地經作忉利天王纓絡同此

四釋炎慧地

若菩薩住百億佛國中作兜率天王脩百億法門行道品化一切衆生

地經作炎摩天王纓絡同此作兜率天王道品卽三十七道品也

五釋難勝地

若菩薩住千億佛國中作化樂天王脩千億法門二諦四諦八諦化一切衆生

二諦者真俗也四諦者苦集滅道也八諦者有作

四無作四也又若空無常無我及常樂我淨爲八也地經作兜率天王纓絡同此作化樂天王

六釋現前地

若菩薩住十萬億佛國中作他化天王脩十萬億法門十二因緣智化一切衆生

地經作化樂天王纓絡同此作他化天王

七釋遠行地

若菩薩住百萬億佛國中作初禪王脩百萬億法門方便智願智化一切衆生

地經作他化天王纓絡經云梵王常以二智化衆

三界原盡也

第三結

是故一切菩薩本業化行淨若十方諸如來亦脩是業登薩婆若果作三界王化一切無量眾生

文二先結善薩業若十方下二結如來業又是答

釋妙覺地也正答二問竟

第二月光偈讚文三一時眾供養二月光讚佛

三大眾得益今初

爾時百萬億恒河沙大眾各從座起散無量不可思議華燒無量不可思議香供養釋迦牟尼佛及無量

大菩薩合掌聽波斯匿王說般若波羅密

文二初財供養合掌下次法供養云云

二月光正讚二一明讚處

今於佛前以偈歎曰

偈者竭也攝義竭盡故名為偈四句為偈句有三四五七等差別若梵天以三十二字為首盧偈卽以八字為句也云云

二正發言贊五十九行大分為三初六行總頌

上義二四五行別頌十四忍三八行總結頌

五忍初又三前三行歎別相三寶次兩行歎五

九二句
為一行

忍後一行歎一體三寶今初

世尊導師金剛體心行寂滅轉法輪八辨洪音爲衆說時衆得道百萬億時六天人出家道成比丘衆菩薩行

文三佛法僧差別也衆生及器二世間俱尊名世尊引導匠成名導師導師不同有世間導師出世導師出世中有拙度巧度次第度一心度寺金剛體歎法身也心行下兩句二歎法寶淨名云心靜已度諸禪定此中云寂滅淨名云三轉法輪於大千其輪本來常清淨此中云心行寂滅轉法輪一

句包之義理不失又初句嘆佛身業次句嘆心業次句嘆口業又佛五事具足一世尊威德具足二導師智慧具足三金剛體法身具足四心行寂滅解脫具足五轉法輪化他具足云捷疾應機各辯八音者梵摩喻經云一最好聲二易了聲三調和聲四柔軟聲五不悞聲六不女聲七尊重聲八深遠聲洪者大也時衆下三歎僧寶文中總前大眾天無出家法今言出家者約心說也三乘共行十地故云成比丘衆菩薩行也又人身出家成比丘衆天心出家行菩薩行也

二別嘆五忍

五忍功德妙法門十四正士能諦了三賢十聖忍中行惟佛一人能盡源

三賢十聖是因位名忍中行佛居果地窮原盡理名能盡源又十四皆云正士者即四十一地也十地為十任行向及非覺名為四成十四大士圓教十四聖人皆以一心三觀諦了諸法名忍中行毘盧遮那衆行休息名能盡源云

三歎一體三寶

佛衆法海三寶藏無量功德攝在中

佛是佛寶衆是僧寶法是法寶包含如海蘊積如藏故無量功德攝在其中也

第二別頌十四忍文五勅九行頌伏忍二十行頌信忍三八行頌順忍四十行頌無生忍五八行頌寂滅忍初文二前兩行頌伏忍方便即十信也後七行頌伏忍功德即三賢也初文二先明離過次明攝位今初

十善菩薩發大心長別三界苦輪海

古人云十信菩薩由發大心求出三界雖未能出已能遠離惡道苦故言長別今則不然若別教

撰述 在言尾卷第廿一
十信是外凡未能暫離豈能長別若圓教十信斷
三界惑至十住初卽斷界外無明等惑以其但斷
三界四住與羅漢齊長別若海與二乘人同生方
便有餘土若羅漢支佛於彼土遇餘佛爲說法華
經卽成菩薩進斷無明若十信菩薩縱未聞法華
亦能漸次自斷無明豈以不生惡道便是長別若
海問此十信與別教中何位相似若奪而論之別
教地前次第脩證十住脩從假入空觀十行脩從
空入假觀十廻向脩中道正觀圓教十信卽能圓
脩三觀不可論同與而言之卽別教十廻向齊問

與前二教何位齊若奪而論之藏通二教巧拙雖
異但見於空不見不空未識中道圓教十信具脩
三觀與前二教不可格量與而爲論圓教十信藏
通佛與二乘俱斷見思卽與藏通等佛地齊也
言大心者謂誓願大度生大說法大慈悲喜捨大
也區分各別名界三苦八苦八萬四千名苦廻轉
不息如輪沉浮出沒如海云云

二明攝位

中下品善粟散王上品十善鐵輪王

脩行十善必具三心中下二心爲粟散王小王衆

多猶如粟散上品心行十善為鐵輪王王闍浮提
其鐵輪寶廣一俱盧舍云云若纓絡上品鐵輪中品
粟散下品人王云云

第二頌伏忍上中下功德文二初兩行別歎三
品為三輪王次五行總歎三品今初

習種銅輪二天下銀輪三天性種性道種堅德轉輪
王七寶金光四天下

十住菩薩習種性人作銅輪王王二天下其銅輪
寶廣二俱盧舍十行菩薩性種性人作銀輪王王
三天下其銀輪寶廣二俱盧舍十廻向善薩道種

性人作金輪王王四天下其金輪寶廣四俱盧舍
七寶者女寶珠寶輪寶王兵寶王藏臣寶象寶馬
寶等也

二總歎三品文二初列三十心次正歎功德今
初

伏忍聖胎三十人十信十止十堅心

與十聖作胎故名聖胎三十人總標數十住下別
列經作信字有人云信卽十信止則十住堅則十
行此忍與經文義理相違有人云信卽十住止則
十行堅則十回向此得義違文今謂信任相似傳

寫者謬應作任字讀之

二正歎功德

三世諸佛於中行無不由此伏忍生一切善薩行本源是故發心信心難若得信心必不退進入無生初地道教化衆生覺中行是名善薩初發心

文四初歎伏忍能生諸佛以伏忍爲入道之初門善提之關鍵誰人出不由戶故三世諸佛由此而生一切善薩下二歎伏忍能生善薩大海有本所謂衆流衆流之本必有涓滴善薩之行本乎伏忍伏忍成立由於信心若能發信心入圓十任卽斷

無明無明盤礴非一心三觀所不能斷能斷之智從十信生故佛嘆云信心難也若得信心下三明功能若得圓信心必不退轉卽得入於初地之道此中經文包含兩教若約別教卽從十信漸進不退登於歡喜若是圓教十信心善薩卽不退轉便登初任圓教初任卽別教初地故華嚴及下經文亦以十任爲十地也必不退者圓教十信必不退墮凡夫二乘及於三界間本業纓絡說十任中第六住正觀現前值佛善薩善知識所護則出七任常不退轉七任以前名爲退分如佛初會有八萬

人退如淨目天子法才王子舍利弗等欲入七住
值惡因緣退落凡夫不善惡中作大邪見今此經
中不言退者何耶答人心如面各各不同大聖隨
機故亦差別有說十行菩薩性種性人猶退墮地
獄又初阿僧祇劫猶退墮者卽入回向人亦有退
墮纏絡第一說十住第七名住不退七住已前卽
有退義約教而斷初阿僧祇退者三藏意十行退
者通意十回向退者別意十信退者圓意今云信
心不退進入初住之地卽圓義也教化衆生下四
明利他上句明化他之行教化衆生令常覺悟必

不退轉下句結歎初心也大經云發心畢竟二不
別如是二心前心難般若云能生一念淨信於無
量佛而種善根法華云於無量劫行五波羅密不
如聞佛壽命生信等皆斯義也頌伏忍竟

第二頌信忍功德文二先頌三品後結歎初文
三三四行頌初地下忍次兩行頌二地中忍後
兩行頌三地上忍今初

善覺菩薩四天王護照二諦平等道權化衆生遊百
國始登一乘無相道入理般若名爲住住生德行名
爲地初住一心足德行於第一義而不動

文二初一行半歎作王功能俗如幻有真如幻無
心雖非實不無於幻於幻宛然故云雙照真俗空
故故云平寺始登一乘下二兩行半明入地功德
以一心三智住於諦理名住能生諸德各地地卽
別教初歡喜地住卽圓教初歡喜住也於一心中
卽脩三觀萬德萬行並在其中華首經云一切功
德並在初發心中卽其義也於第一義而不動者
別教則十回向善薩脩中道正觀未証故有動至
初地証得則無動圓教則十信脩一心三觀猶有
動初住証得方無動也

二頌信忍中品

離達開士初利王現形六道千國土無緣無相第三
諦無無無生無二照

離達者離破戒垢通達三觀別教二地圓教二住
開士者開空法道也大士正士開士寺並一義也
初利明王位現形明化無緣寺明智世諦無法可
緣真諦無法可相無緣無相卽是中道第一義諦
無無者一無無緣一無無相此二俱無云何有生
故云無生既真無生何得有照云何無二照照無
所照不二故也

撰述
仁王護國勸修經卷中
四九
照空有卽權智也

次頌中品

勝慧三諦自達明化樂天王百億國空空諦觀無二
相變化六道入無間

別教五地菩薩入深禪定得於勝慧圓教五住菩薩也空空諦觀無二卽動是寂變化六道卽寂是動也

三頌上品

法現關士自在王無二無照達理空三諦現前大智
光照千億土教一切

別教六地菩薩得般若圓滿故云法現等圓教六住中無二無照等卽寂也智光普照卽動也

第二總結

煇勝法現無相定能洒三界迷心惑空慧寂然無緣
觀還觀心空無量報

燄卽前四地勝卽五地法現卽六地此三菩薩得
中道觀不起有無二相以正觀水洗無明垢也空
慧等者卽色心俱空也還觀等者卽色心俱假也
第四頌無生忍文三前五行頌七地下忍次三
行頌八地中忍後兩行頌九地上忍初文二初

釋行相二斷惑分齊今初

遠達無生初禪王常萬億土教衆生未度報身一
生在進入非觀法流地始入無緣金剛忍三界報形永
不受觀第三義無二照二十一生空寂行

遠達無生大品云七地深入無生深入遠達義相
似也不同六地証有間斷至法之源故云深入深
入卽遠行地隣近第八地故復云遠行遠行地卽
遠達也常萬億等者明化用略舉大數故云萬億
未度下明損生未度報身者分段身是也盡此一
身卽入變易故智論云七地菩薩未捨肉身又二

十一生中未度末後一生也雙觀二諦故云非觀
又色心二法無差別相故云非觀別教七地猶有
功用進入八地無功用心中道法流至薩婆若海
此別接通意也始入無緣金剛忍則不受三界分
段身此乃預說八地已上功德以其必能致此勝
神不久的得故先說也亦猶教聲聞人先歎當果
矣中道第一義諦對真俗卽是第三一中一切中
故云無二照從初地至七地各有下中上三品三
七卽二十一生生之中皆觀諸法空寂以此爲行
也

然今至八地心更淳熟故常寂然也

三頌無生上品忍

慧光開士三禪王能於千恒一時現常在無爲空寂
行恒沙佛藏一念了

卽九地善慧菩薩也常在無爲者卽動寂齊行也

第五頌寂滅忍文二前五頌下品後三行頌
上品今初

灌頂菩薩四禪王於億恒土化群生始入金剛一切
了二十九生永已度寂滅忍中下忍觀一轉妙覺常

湛然善慧灌頂三品士除前餘習無明緣無明習相
故煩惱二諦理窮一切盡

言灌頂者在十二法師之上故名頂華嚴二十七
云譬如輪王太子成就王相取四大海水灌子頂
上卽名灌頂大王菩薩亦如是受佛職時諸佛以
智水灌是菩薩頂名灌頂法王是名菩薩入智慧
職地卽法雲地菩薩也爲第四禪天王有本云五
禪王者卽取欲界及四禪也始入金剛寺者以此
定破無明一切皆了也從初歡喜終竟法雲有三
十生今但言二十九生者以第三十生是其現受

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

仁壽國師著經疏卷之

五

記云出
沒不同
若謂全
妙覺亦
名菩薩
故出沒
不同若
言十地
則四出
果法言
是法
妙覺久
原本體
三科而
但列一
科少初
淨土一
科也擬
後文補

記云需
無障礙
一淨土
此下文
類差互
當自此
後屬下
妙覺極
果正寂
光淨土
繼後一
切眾生
暫任報
止故云
也共為
一段為
以前文
三重問
卷選入

明之原盡煩惱之性不同外道斷見聲聞證空雖
無得無成而妙智常照上來願五忍竟長行偈頌
乎明五忍而十地妙覺出沒不同是乃大聖隨機
轉文顯義者也

第三八行總結歎五忍文三一歎淨土果次歎
法身果後歎利益果今初

三賢十聖住果報唯佛一人居淨土一切眾生暫住
報登金剛原居淨土

將明其勝先且舉劣三賢卽地前三十心十聖卽
十地菩薩此四心同生華藏果報之土非藏通

教中果報若藏教唯是凡聖同居若論通教唯生
有餘化城之土今言果報卽是別圓教人得無障
碍生無障碍土問此中三賢十聖爲是別教爲是
圓教答正是圓教問圓教卽合生常寂光何故生
華藏答華藏之中別圓共生以是因非果不得生
於寂光之土故華藏土中有別教十地圓教四十
心共生也妙覺極果毘盧遮那唯獨一人生於寂
光淨土問前三二中亦有淨土何故寂光獨各淨
土答凡聖同居聖少凡多是穢非淨方便有餘但
除見思未斷無明偏真之淨非是真淨華藏世界

上文

三賢十聖同居淨土

上四

異趣

石山藏經卷中

五

此中則
文若卑
顯也

帶別方便未為純淨寂光無此故受淨土之名也
一切衆生暫住報者有云衆生雖即無始而有終
暫時受報佛無始終故居淨土今謂佛登妙覺應
在寂光為化衆生暫時應現壽命長短而受果報
故云也

二嘆法身果

如來三業德無極我今月光禮三寶

淨土即是依報今明法身即是正報上句正歎下

句頂禮一體三寶

三歎化他果

即前標中利
益果是也

法王無上人中樹覆蓋大衆無量光口常說法非無
義心智寂滅無緣照人中師子為衆說大衆歡喜散
金華百億萬土六大動含生之生受妙報天尊快說
十四王是故我今畧歎佛

偏寺歎
是偏空

文中初一行舉喻歎即是形益次一行說法歎佛
口業是聲益外道全無義二乘偏寺菩薩未圓唯
佛有文義也心智即觀寂滅即緣觀緣寂名無緣
照又外色無可緣內心無可照次一行明大衆供
養次一行明地動次一行結歎佛在人為人尊在
天為天尊又大經云人王即天王也十四王即三

法華

法華經卷第五

五

賢十聖等也莫說時衆受難故畧歎也又佛德
無量不可歎盡故畧歎也

性澈海極督刻

佐明較對

興理錄藁

仁王護國般若波羅密經疏卷中終



又廿一